

224. Qui a ffirmar per iudicio que demandare.

Tod *omme* qui demandar auer, o heredad, o qual cosa se quiere, dese es la firma. Et si uerdad demostrare el otro *que* mentira firmo, *non* le preste. Et excan *per* aleuosos los *que* firmaron, *et* fagan delos iusticia los alcaldes assi como fuero ^{/50v} es. Et si lo *non* fizieren, sint *periurati*.

225. Qui a otro ouier aduzir.

Tod *omme* *que* ouiere aduzir a otro a plazo, adugalo del *termino* a III^{er} dia. *Et* de fuera de *termino* a VIII dias. *Et* si lo *non* aduxiere, iure *que* fue buscarlo *et* lo *non* pudo fallar. *Et* tragalo⁴²⁸ fasta otros VIII dias. *Et* assi faga fasta III VIII dias iurando *que* lo ua buscar *et* lo *non* pued fallar. Et si iurar *non* quisier, o al plazo no lo aduxier⁴²⁹, faga la uoz. Et si dixerit: “a rrafala es o en caualleria”, iure *que* alla es *et* adugalo a la descamia. *Sin autem*, respondat. Et si dixerit *que*⁴³⁰ pastor es, iure *que* pastor es, *et* sperelo fasta las entradas o a las exidas, *et* delo a derecho. Et de fonsado o de azeria conombre adalil *et* iure *que* alla es, *et* a la uenida del adalil o de la sena delo a derecho; *et* si no, responda. De Iherusalem usque un anno. De Roma fasta *medio anno*. De *Sancto* Egidio⁴³¹ a III meses⁴³². De *Sancte* Saluatore a III selmanas. De *Sancto* Iacobo a un mes. De *Sancto* Dominico a III selmanas⁴³³. Et de catiuo a I anno, *sin ante non* saliere. E por tod esto iure con I uizino *que* alla es o dize. *Et* por esto *non* se modro. ^{/51r} Tòd *omme* *que* torna fiziere de tierra de moros o de *christianos*, el contendor adugalo las bestias iaziendo. *Et* si dixerit: “ido es a uenado o a monte”, iure *que* *non* sabe su posada *et* connombre companeros con qui fue, *et* a⁴³⁴ uenida de sos companeros adugalo.

226. Qui entrare en plazo por (otro)⁴³⁵.

Tod *omme* *que* entrare en plazo *per* otro *omme* aduzir a plazo, *et* enfermarse, uenga qui los pennos quisier sacar *et* iure *que* enfermo iaze, *et* *sin* arte, *et* quando sanare, responda.

227. Carreras de conceio⁴³⁶.

Qui fuere en mandado de conceio, den al cauallero I *morabedi* fasta Turgiello. *Et* fasta *Montanches*, *medio*⁴³⁷ *morabedi*. Et a *Medellin*, *moraberi et medio*. Et a *Merida* alliud tanto. *Et* a *Badaioz*, II *morabedis*. A *Alcantara*, I *morabedi*. A *Coria*, I *morabedi*. A *Galisteo*, I *morabedi*. A *Plazencia*, I *morabedi*. Fasta *Salamanca*, VI *morabedis*. *Alua*, VI *morabedis*⁴³⁸. *Auila*, VI *morabedis*. A *Beiar*, III *morabedis*. A *Talauera*⁴³⁹, III. A *Ciudad*, III. (A)⁴⁴⁰ *Toledo*, VIII. Fasta *Duero*, VIII *morabedis*. Dende alla, X *morabedis*.

228. Per furto.

Por furto o por condesijo⁴⁴¹, por III *morabedis*⁴⁴² o dent arriba, lidie o saluese assi como es fuero.

229 De iuras.

Tod *omme* *que* a iurar ouiere, *per*⁴⁴³ I *morabedi* iure con I⁴⁴⁴ ^{/51v} uizino, por II⁴⁴⁵ con II, por III con III, por III o dend arriba *sibi* V^o.

230. De negare per (furto)⁴⁴⁶.

Tod *omme* a quien demandaren furto *et* negare, *et* pues uencido fuere por ello, delo doblado con III^{or} *morabedis* al quereloso.

231. Qui firmare a otro.

Tod *omme que* firmare contra otro por X *morabedis* o dend arriba *responda* a repto.

232. De reuelar penos.

Tod *omme que* penos reuelare en uilla o en aldea, el andador de *conceio* prende por II *morabedis per* mandado dalcaldes, I al *quereloso et otro* al castiello. *Et* si al andador reuelaren penos, el andador diga a los otros *que* hy fueren ut *adiuuent eum. Et qui illum noluerint adiuuare pectet unusquisque* singulos *morabedis* al castiello, o iure cada uno con I uizino *que* ge lo non dixo. *Et qui* reuellare penos a los alcaldes o a los VI *peche* IIII *morabedis*, I al *quereloso et* III al castiello. *Sin autem*, saluese *sibi* V^o.

233. De calonnas.

Todas las calopnas *que* son dichas *et* por dizir *que* en este *fuero* iazen pora los *querelosos*, ayanlas. *Et* todas las otras sean pora *conceio et* poral castiello, assi como son *escriptas. Et* los uozeros de *conceio*⁴⁴⁷ manden accotar por ellas, ^{/52r} *et* recabdenlas, *et* denlas al mayordomo de *conceio*. Los uozeros de *conceio*, el auer *que* por ellos se *perdiere*, ellos lo *pechen* a *conceio*.

234. Ferias dagosto.

Estas son *ferias* dagosto: de dia de cinquaesma fasta *Sancta* Maria dagosto non *respondan per* ninguna cosa nisi⁴⁴⁸ *per* morte de *homine*, e *per mulier* forciada. *Et* por furto, *et per* forcia *et per*⁴⁴⁹ uirto⁴⁵⁰, si *fuere* fecho enas *ferias*. *Et* si non *fuere* fecho enas *ferias*, non *responda*. *Et* si dixier el *que* ampara: “no lo fiz en *ferias* nin en⁴⁵¹ (?) ante”, el *quereloso* meta la uerdad *que* lo fizo en *ferias*, *et* *respondale*. Por *bue et* por uacca domados, *et* por carro, *et per* quanto *perteneze* a era, *et* por pan de panadera⁴⁵², *et* uino de tauernera, *et per* uino de cuba, *et* bestia denguera⁴⁵³, *et* cauallo de siella, mula de siella, escudo, *et* lanza, *et* espada, *et* todas armas, non ayan *ferias*.

235. (Fferias de quaresma)⁴⁵⁴.

Istas son *ferias* de XL^a: *respondan* por *dineros*⁴⁵⁵ de laurador, *et per* azada, *et per* azadon, *et* por podadera *et* por todo danno de lauor, *respondan*. Por prado, *et* por uina, *et* por miesse *et per* quanto *pertenesce* a lauor, *et* por molino, *et per* azenna, *respondan. Et* estas *ferias* atal *fuero* ^{/52v} ayan como las *ferias* dagosto. Soldar de collaço nin *perdida que* el faga a so *senor non* aya *ferias*. Ganado de leche nin colmenas non aya *ferias*. Diezmo, ni *mortuorum*, nin *primicias*, non aya *ferias*.

236. Tod omne que ouier otro a dar.

Tod *omme que* auer ouiere a dar a otro, *et* *ferias* entraren, pidagelo con III testigos, *et* del dia *que* ge lo pidiere delo a VIII dias. *Et* si lo⁴⁵⁶ non diere duplelo *ferias* exidas.

237. Qui leuare pan a terra de moros.

Tod *omme qui* pan leuare a tierra de moros, o miel, o queso, o manteca, o armas, o cauallo, *qui* lo fallare *prendali* quanto *troxiere* sin *calonna et* suyo sea. *Et* aduga el cuerpo a los alcaldes *que* fagan del iusticia, *et* pierda tod el otro auer *que* ouiere. *Et* *prendan* los alcaldes la meatad, *et* el *conceio* la meatad poral castiello. *Et* si *dixerit que* lo non pudio *prender*, saluese con IIII^{or} *sibi* V^o.

238. Qui traxerit cutello.

Tod *omne* qui cuchiello traxerit in uilla, aud in calle, aut in rualde⁴⁵⁷, et alcaldes inuenerint *eum cum eo*, *pectet* II morabedis a los⁴⁵⁸ alcaldes. Et in domum ubi ospicium habuerit, dicat illi ospes suus ut laxet cutellum. Et si non dixerit, *pectet* /^{53r} II morabedis a los⁴⁵⁹ alcaldes. Et si laxare noluerit, dicat ospes alcaldibus. Et ille qui traxerit *pectet* II morabedis a los⁴⁶⁰ alcaldes. Tod *omne* qui lo troxier en ascondido *peche* la calonna doblada⁴⁶¹. Et tod *omne* que fuera de uilla quisier yr, tomelo en su mano, et fora de la uilla metalo en la cinta.

239. Qui per uilla ambulauerit de nocte.

Tod *omne* qui de noche andare per uilla postea *quod* cinbalum cessauerit, et non dixerit unde uenit, aut *quo* uadit, et per bonos homines non prouauerint pro bono, faciant ei *quasi*⁴⁶² ad latronem.

240. De pescado de rrio⁴⁶³.

Tod *omne* qui pescado de rrio matare ele lo uenda, aut uxor sua uel filii sui.

241. (De non recatonear pescado)⁴⁶⁴

Tod *omne* qui pescado comprar pora recatonear *peche* II morabedis a los⁴⁶⁵ alcaldes. Et qui ge lo uendiere, unusquisque *pectet* II morabedis alcaldibus⁴⁶⁶. Sin autem, saluese con II uizinos. Et los \alcaldes/, si esto non apretaren⁴⁶⁷, sean menos ualientes. Et nenguno⁴⁶⁸ non sit ausus uendere pisces in domo sua, neque carnes, nec⁴⁶⁹ pane cocto, nec ullam rem nisi⁴⁷⁰ uino⁴⁷¹, sed⁴⁷² in mercato, sicut mandauit dominus rex⁴⁷³, usque ad sol occasum. Et qui inde aliud fecerit, *pectet* I morabedi alcaldibus.

242. (De non poner barco)⁴⁷⁴

Nullus homo non ponat barco in flumen in illo⁴⁷⁵ /^{53v} loco ubi est barco de conceio, sinon si quisier passar omnes de conceio sine precio. Et qui alium barcum ibi posuerit perda⁴⁷⁶ el barco, que sea pora conceio, et *pectet* II morabedis alcaldibus.

243. Qui carrera quisier sacar.

Tod *omne* qui carrera quisier sacar, si se auinieren entre si, saquen su carrera, fueras carrera de conceio, et aya coto como si la sacassen los alcaldes. Et si se non auinieren uengan al cabildo, et deles el cabildo IIII alcaldes que la saquen. Et denles a los alcaldes I morabedi. Et postea que fuerit sacata, qui la cerrar o la arar *pectet* X morabedis, medios alcaldes et medios concilio. Et la carrera que assi non fuere sacada non aya coto.

244. Qui ualladar quebrantar.

Tod *omne* que con su ganado, o con sus bestias, o con su cuerpo quebrantare ualladar o linde agena *pectet* II morabedis domino limitis⁴⁷⁷ o de balladar et faga el ualladar, si potuerint ei firmare. Sin autem, saluese si(bi) IIIº.

245. Qui firiere ad alcalde.

Tod *omne* que feriere ad⁴⁷⁸ alcalde, o el alcalde a otro, *peche* la calopna doblada al quereioso si fiziere liuores de sangre o de cardeno.

246. (En que dias no an de juzgar los alcaldes)⁴⁷⁹

Los alcaldes non iulguen en dia de dominico, nec in die de iouis, ni enos otros dias /^{54r} supra scriptos, \ni/ ante de missa nin de \pous/⁴⁸⁰ uesperas. Et si iulgare, non preste suo iudicio et sea periurio, si non fuere⁴⁸¹ per rraigar.

247. Qui uiere puercos en defesa.

Tod omne que uiere porcos ena deffesa de conceio prenda de cada uno I quinta de morabedi, medio para ssi et medio al conceio. Et si montarazes o alcaldes prisieren esto, tomen media calonna ellos et la media conceio. Et esto sea omni tempore. Et qui ganado hy metiere a ssapiendas pectet I morabedi, sicut⁴⁸² dictum est. Et si dixerit: "no lo meti ad sapiendas", iure que no lo metio a ssapiendas et pectet I⁴⁸³ quinta⁴⁸⁴ morabedi, sicut dictum est⁴⁸⁵. Et quando la derrompier el conceio non entre hy sinon cauallo, o mulo, o mula hy⁴⁸⁶ asno. Et otrosi⁴⁸⁷ qui fallare ena defesa yegua prenda I morabedi de calonna, sicut dictum est. Por buey et por uacca tome X^a de moraberi. Et per V^c oues, et per V^c cabras, o per V ansares, tome X^a de morabedi.

248. Prado a ffuero.

Todo prado a ffuero assi deue seer moionado: a cabo de VIII⁸ passadas V zespedes unos super otros. Et si el prado fuere cabo defesa de conceio, o cerca dexido o cerca carrera, tam de uilla quam de aldea, encierrelo de V palmos en alto et III en ancho. Et los alcazeres et los ortos⁴⁸⁸ de las fronteras /^{54v} similiter. Sin autem, non habeat calumnias.

249. Qui lauare ena fonte.

Toda mulier que lauare ena fonte de Caceres, de los moiones que pusieren alcaldes et mayordomos adentro, peche I morabedi⁴⁸⁹, la meatad aquel que la tomare et la mitad a conceio. Et si esto non apretaren⁴⁹⁰ alcaldes et mayordomos, sit illis in periurio.

250. Aparceria de cabana.

Tod omne qui parceria fizier per mantener cabanna teneat usque I ano, si no le uinier catiuazon o enemiztad. Et qui assi non fiziere, peche VI morabedis a sos aparceros et torne y el ganado, bestias metiendo a tercer dia en casa de los aparceros. Et estas non ayan ferias nin solturas.

251. Qui echar so ganado.

Todo omne qui echare so ganado en cabana agena sin grado de so domino perdalo⁴⁹¹, et non respondan per el. Et el ganado de los aportellados, qui lo anafagare et lo salgare, esse prenda la leche.

252. Qui tomar carneros de oues alienas.

Tod omne qui fuere a oueias agenas prender carneros, o oueias, o puercos, o nenguna cosa, dela doblada con IIII morabedis al quereloso. Sin autem, saluese⁴⁹² sibi V^o.

253. Qui inuenerit moro.

Tod omne qui fallare moro o mora dotras partes en /^{55r} Caceres o en so termino, si senior nol exiere, ayaslo. Et si senior le exiere, et el moro⁴⁹³ fuere fallado desde la

sierra de *Sancto Petro*⁴⁹⁴ aca, denle I *morabedi* en fallalgo. *Et* de la sierra allende⁴⁹⁵ II *morabedis*. Tod *omme que* fallare so cauallo de siella *que* perdudo ouiere en aceria, o en desbarato, o en apellido, o en qual logar se *quier*, det I *morabedi* en falladgo *et* aya so cauallo. Tod *omme que* fallare asno, o uacca, o buey fueras de *nuestro termino*, denle en faladgo *singulas quart*⁴⁹⁶ de *morabedi*⁴⁹⁷. *Et* de L^a oueias prenda III. *Et* de L^a porcos prenda III. *Et* dend arriba a ssu conta, *et* dend aiuso a ssu conta. *Et* si en el *termino* lo fallaren tomen la meatad. *Et* si moros leuaren el ganado *et* fueras de *nuestro termino* lo sacudieren, tomen end el quinto *aquelos que* lo sacudieren. *Et* si tras castiello de moros lo sacudieren, ayanselo todo si en el castiello trasnochare.

254. Aldeanos⁴⁹⁸.

Todos los aldeanos *que* lauraren con bues den senas occhauas de zeuada a los iunteros, *et* el mediero media. *Et* el *anno que* non sembraren non den nada a los iunteros. Tod *aquel que* ualia ouiere /^{55v} de X *morabedis* fasta XX, de *media ochaua* de ceuada a los iunteros. *Et* de XX *morabedis* arriba ochaua complida. *Et* de X *morabedis* aiuso non den nada. Uibda *que* ouiere fijo de XV annos a ssuso⁴⁹⁹, *et* fiziere so mandado, de en iunteria *et* de en todas sus *derechuras*.

255. *Qui dixerit* : “este es meo preso”.

Tod *omme que* *dixerit*: “este es mio preso *per* mi *auer*” hi otro *omme* ouiere del querela *per* so *auer*, si troxiere fierro en manos o en piedes, *et* *omnes* de su pan andaren con el, sea su preso. *Et* si assi non andare, non sea so preso. *Et* esto *que* lo uean II *alcaldes* o tres *omnes* bonos. *Et* al primero de su *auer*. *Et* dent arriba uenga el *que* lo primero⁵⁰⁰ priso *et* det a todos sos debdores a ssu conta. *Et* *aquel que* primero lo touiere responda con el al otro, *et* el otro otrosi⁵⁰¹ responda al otro. *Et* si ge lo non parare delante, el *peche* la *peticion* al *quereloso*. *Et* el *qui* demanda iure con III uizinos o firme *que* aquella querella a del *que* demanda. *Et* depues responda el preso. *Et* si uenciere el preso, uaya en paz, *et* si non uaya preso fasta *que* de su *auer* al contentor.

256. Los lauradores del castiello.

Los lauradores del castiello fagan su lauor usque /^{56r} ad festum *Sancti Martini*, si cal ouieren a farto. E lo *que* ficare del marco *que* les diere el *conceio*, o que sacaren dalmoneda, faganlo doblado.

257. *Qui* sacar armas a buelta.

Tod *omme qui* sacare armas a bolta *peche* IIII *morabedis* a los *alcaldes*, si ei firmaren. *Sin autem*, saluentse sibi V^o.

Tod *omme qui* fueras de uilla exiere con armas contra otro *peche* X *morabedis*, los medios a los *alcaldes et* los medios al *quereloso*. *Et* si los *alcaldes* lo perdonaren sean *periuurados*, si ge lo pudieren firmar. *Sin autem*, saluese con III^{or et} el V^o.⁵⁰²

258. Pro muerte⁵⁰³.

Por muerte de *omme*, o por mugier forciada, o por lision, qui bestias ouier de meter metalas uienes⁵⁰⁴ ante de missa matinal *et* sea encerrado. *Et* si fuera lo testiguaren, *pectet sicut dictum*⁵⁰⁵ *est ut supra*.

259. Qui pidier lide a otro.

Tod *omme que* pidier lid a otro *peche* IIII *morabedis* a los⁵⁰⁶ *alcaldes*, si ge lo firmaren. *Sin autem, iure sibi* V^o. Et qui primero la pidier *pectet* los⁵⁰⁷ IIII^{or} *morabedis* *per* si, *et* IIII^{or} *por* el otro, *alcaldibus*. Et el qui firmare *que* sobre si torno *non peche*⁵⁰⁸.

260. Per toda petition⁵⁰⁹.

Et por toda *petition* conosca o niegue. *Et si non quisiere* /^{56v} *conoscer* o negar, meta *bestia* cada *tercer dia* *fasta que* conosca o niegue. Et otrosi, qui se quisier echar a *uozero*, ante *que* cognosca o neget se eche. Et *per* una *demanda non* se eche mas de una uegada a *uozero*⁵¹⁰.

261. Uibda como parare fiel.

Uiubda *per* *bestia* o *per* peno de *morabedi* *pare* fiel, *et*⁵¹¹ *per* otra cosa uibda *non* uaya ad fiel si *non* fuer *por* raigar.

262. Por qui prenda.

Por tod *omme que* *prendaren*, de qual parte que quier, uaya *et* saque la *prenda*. Tod *omme que* uiniere a *Caceres*, *et* *prendaren per* *hermandad*, *por* *aquel*⁵¹² *que* *prendaren* *fasta* VIII *dias* uaya sacar la *prenda*. *Et si* la *non* sacare, cada *tercer dia* meta *bestia* *fasta que* la saque. Et *non* aya *ferias nin* *solturas*. Et los *alcaldes* acoten *et* fagan meter las *bestias* en casa del *quereloso* *fasta que* saque la *prenda*⁵¹³.

263. Qui si(n) mandado de alcaldes prenda.

Tod *omme que* *sin* *mandado* de *conceio* *prendare*, o de los *iunteros*, *et* *iudizo non* quisiere *fazer*, *et* *por* el *prendaren* en otra parte las *bestias* *yaziendo*, saque la *prenda*.

264. Iunteros.

Los *iunteros* tengan las *iuntas et* las *alcaldias* /^{57r} de las *ermandades*. E tomen su *ceuada*, *et* sus *uibdas*, *et* sus *treguas*; *et si* *mays* tomaren, excan *por* *aleuosos* del *portiello*. *Et non* tomen *nengun* *precio* *por* *iudizio* *iudgar*. Las *tregas* *son* IIII *morabedis*. *Qui* *prender* *sin* *madamiento* de *conceio* o de *alcaldes*, *et si* los VI *fallaren* *uerdad* *que* *por* *iudizio* otro *auer* *prisieron*, excan *per* *aleuosos et* *pechen* XX *morabedis* al *conceio* *poral* *castiello*.

265. Qui se alzare a sex.

Tod *omme que* *per* so *iudicio* a los *sex* se alzare, *et* los *alcaldes* lo *deuedaren*⁵¹⁴, sean *periurados*, *et* *por* esto *non* meta *bestia*. *Et* esto *per* *iudizio* de *corral*⁵¹⁵.

266. Uizi(no)⁵¹⁶.

Todos los *querelosos*, *tam* de *uilla quam* de *aldeas*, si ouieren *querela* de *homines* de *fuera* de *uilla* uayan a los VI *et* a los *iunteros*, *et* mandenles *prender* su *entrega*. Et de los *iunteros* *semper* sean IIII *alcaldes* a los *iudizios* *iudgar* de *fuera* de *uilla*.

267. Conta de mayordo(mo).

Los *mayordomos*, desde el *dia que* *exieren* del *portiello* *fasta* *tercer dia*, den el *auer que* *touieren* a los otros *mayordomos*. Si *non*, denlo *duplado* al *concilio*.

268. De buelta.

Alcaldes o uozeros *que* a buelta o⁵¹⁷ a baraiá sobreuiniéren, *et* uieren ferir o messar, /^{57v} firme I fasta V morabedis, *et* peche el *que* firiere o el *que*⁵¹⁸ messare al quereloso⁵¹⁹. Et II alcaldes, fasta X morabedis firmen, *et* diganlo per la iura *que* fizieron a conceio. Et dent arriba IIII alcaldes firmen.

269. De dar a comer.

Nullus homo de Cáceres nin de so termino non den a comer a nengun omne fueras al cuerpo del rey, sin non fuer por su amor.

270. Toda aldea *que* forcia fiziere alcaldes⁵²⁰.

Tod aldea *que* forcia fiziere a alcaldes o a uozeros, *et* apellido diéren a otras aldeas *et* no les quisieren ajudar, peche C morabedis⁵²¹ a los alcaldes *que* recibieren⁵²² la forcia.

271. Rico omne non faga forci(a).

Nullus diues homo qui forcia fizier en aldea o posare, el o su criazon, *et* apellido diéren, *et* sus uizinos o de las otras aldeas *que* lo sopieren non les ajudaren, pectet C morabedis, los medios al quereloso *et* medios alcaldibus⁵²³.

272. Alcaldes *et* uozeros respondan.

Los alcaldes ni⁵²⁴ los uozeros non se paren tras alcaldia *que* non respondan.

273. De fiel.

Tod alcalde, o tod uozero, o escriuano, o mayordomo, si les non pararen fiel per los pennos *que* prendaren en so portiello estando, non respondan mays por ellos.

274. Quando exieren alcaldes.

Los alcaldes, quando exieren de la alcaldia, como touie- /^{58r} ren los presos con el cepto assi lo den a los otros⁵²⁵ alcaldes *que* entraren.

275. Qui non fuer escripto.

Tod omne *que* ualia ouiere de X morabedis, *et* non fuere escripto en carta o en padron, non sea uizino a ffuero, nin tome portiello, nin firme \nin iure/ sobre otro. Et cada die dominico pectet I morabedi alcaldibus usque intret in padron *et* in carta.

276. Qui forciare alcalde.

Tod omne de uilla o de aldea *que* forcia fiziere a alcaldes o a uozeros, ellos andando in pro de conceio o del rey, peche C morabedis a aquellos *que* fizieren forcia.

277. Qui can ouiere *et* dano fizier en uina.

Qui can ouiere en uilla o en aldea o ouiere uinnas, *et* a las uinnas fuere el can, *et* el dueno de la uina lo uiere dentro *et* lo non pudiere prender, peche el dueno del can V solidos. Sin non, metagelo en manos al duenno de la uinna. Et si dixerit el duenno del can: “non entro en tu uinna”, iure el duenno de la uinna *que* en su uinna lo priso, *et* pechele la calopna. Si non, metali el can en manos al quereloso⁵²⁶. Et si el can \non/⁵²⁷ touiere garauato de Vº palmos en alto, *et* I en coruo, peche el duenno del can I colodra de uino, o si lo testiguare con II omnes sin garauato.

278. Qui matare galgo otro can.

^{/58v} Qui matare galgo, o carauo, o can rostro, por el galgo *pectet* II *morabedis* *domino* suo, e por el carauo I *morabedi* *domino* suo, *et* por can rostro⁵²⁸ I *morabedi* *domino* suo. E por podenco o por alano *pectet* II *morabedis* *domino* suo, si a tuer-to lo matare. Et si pudier *prouar* *que* anparandose del can lo mato, *et* de cara lo ferio, *non* *pectet* calona. *Sin autem*, *pectet*. *Et* si al⁵²⁹ galgo *quebrantare* pierna al tanto, *peche*⁵³⁰ como si lo matasse. *Sin autem*, saluese *cum* uno uicino.

279. De primo iunto⁵³¹ nin poblador.

Primo iunto⁵³² nin poblador *non* *peche* fasta I *anno*, ni uaya en fonsado.

280. A qui su mulier muriere.

Tod *omme* a qui su mugier li muriere XV dias ante del fonsado, si fijo o fija *non* ouiere de edad, *non* uaya en fonsado. Et si touier la *mulier* lechigada *non* uaya en fonsado fasta *que* sane o muera.

281. Qui ouier sobrino.

Tod *omme* *que* sobrino ouiere en su casa *sin* soldar de *medio* anno arriba, *que* XX annos aya, uaya en fonsado *et* preste. *Et* si assi *non* fuere, *non* preste.

282. Qui se sacare de fuero.

Tod *omme* *que* de fuero se sacare, nol hy meta Dios.

283. Aportellado qui tenerit uoz de latrone.

^{/59r} Tod aportellado *qui* uoz de ladrones touiere perda el portiello *et* *peche* X *morabedis* al conceio poral castiello.

284. Los carniceros et pescadores.

Todos los carniceros *que* compraren uaccas, o carneros, o otro ganado pora uender *non* se eche tras *ferias*. Todos los carniceros, o pescadores o otros merchanes, como a ellos respondieren en *ferias*, assi fagan ellos a los otros.

285. Auer de renueuo.

Tod *omme* *qui* auer dier a rrenueuo sit *excommunicatus*, et el alcalde *que* lo iulgare a dar sit *periurius*, *et* *non* le preste. *Et* si ge lo pudieren *prouar* con III *omnes* bonos *que* lo iudgo a dar, exca el alcalde del portiello *per* aleuoso.

286. Qui dexare mulier.

Tod *omme* *que* su *mulier* de *benedictiones* o de iuras lexare, o ella a el, uaya al obispo o \a/ *qui* touiere sus uezes, *et* el obispo *mande* a los alcaldes *que* lo aprieten *que* torne el baron a la mugier, o la mugier al marido. Et si *non* accotaren, o *non* apretaren fasta *que* se aiunten en uno⁵³³, sean *periurados*. *Et* el pariente *qui* la⁵³⁴ amparar o en casa la touier⁵³⁵ *pectet* X *morabedis* al marido *quantas* noches alla trasnochar, si ei potuerit *firmare*. *Sin autem*, saluese *sibi* V°.

287. Qui moraberi dier per pan

^{/59v} Tod *omme* *que* *morabedis* diere por pan, o dineros, nol den mays de quanto andare fasta *Sancta* Maria dagosto, desde *Sancto* Iohane.

288. Qui dier morabedi per sayal.

Tod omne qui morabedis diere por sayales uayan a mercado, et quanto hi dieren a morabedi tanto den a ssu debdor.

289. Qui dier morabedi per mosto.

Tod omne qui morabedis diere per mosto ante de Sancti Micaelis, quanto dieren XV dias depues de Sancti Michael a morabedi⁵³⁶ tanto ly de so depdor.

290. Qui enpenare casa o uinas.

Tod omne qui uinnas, o ccasas, o azennas enpenare nol den otra cosa per laurarlas⁵³⁷ fasta que las saque. Et qui tenuerit illas laboret eas quomodo pertinet cada a huno (sic). Et si ita non fecerit, el duenno de la heredad labre la herencia del auer que ouiere a dar et tome el desquilmo.

291. Qui se clamare a firmas⁵³⁸.

Tod omne que se lamare a firmas et non conombrare, per hy cayat, si non fuere alcalde o fiel. Et non connombre mays de um pariente. Et pariente es pater, aut frater, uel primo, uel secundo, o tercero, o quarto. Et non meta mays de I pariente en firma.

292. Parientes que segu(daren)⁵³⁹.

Todos los parientes que enemigo segudaren, seguden parientes de ambas partes fasta quartos. Et si non fueren los parientes de la una parte ena tierra, /^{60r} segudenlo los otros parientes. Et si omezilo cogieren, tome el padre o la madre la meatad, et los otros parientes la meatad. Et si non ouiere pater, aut mater, suus fratres tomen la meatad, et alios parentes aliam medietatem. Et si non abuerit fratres aut sorores, los primos tomen la meatad, et secundos et terceros et quartos aliam medietatem. Et qui non uiniere a desafidiar, o a segudar o a corral, sano seyendo o enna tierra, non tome parte del omezilo.

293. Iudio qui auer dier a rrenueuo.

Todo iudio que auer diere a renueuo de el morabedi a sex selmanas per⁵⁴⁰ I ochauo morabedi⁵⁴¹, et dend arriba a ssu conta, et de morabedi aiuso el soldo per dinero.

Todos iudizios que ouieren iudios et christianos, et firmaren II christianos⁵⁴² et non firmar el iudio que con los christianos fuere en firma, el iudio peche la petition doblada al quereloso. Et hy de sobre quien sea fasta u de el auer. Et otrosi (si)⁵⁴³ el un christiano et el un iudio firmaren, et el otro christiano non quisiere firmar, aquel peche la petition doblada al quereloso.

294. Judio qui penos tomare.

Todos judios qui penos tomaren sin testigos pectent I morabedi alcaldibus, /^{60v} et demangelo por furto. Et nenguno non tome auer de fijo enparentado. Si non, qui lo tomare peche X morabedis a los VI et a los alcaldes. Tod omne que ouier a iurar a iudio, por qual cosa⁵⁴⁴ quier, per su cabeza le faga derecho, bien como el iudio al christiano. Et fasta I morabedi iure el iudio per palaura. Et de morabedi arriba iure⁵⁴⁵ por carta dentro ena sinagoga, et teniendo la Tora enos brazos. Et si la Tora non ouieren, tengan el libro de los X comandamientos. Et si ita non fecerit, por hy cayat.

295. Qui conoscier auer a iudio.

Tod omne *qui* su auer conosciere a iudio firmele el iudio con II *christianos et* I iudio, o con II iudios *et* I *christiano*⁵⁴⁶, *que* lo compro *et* con sol, o⁵⁴⁷ lo⁵⁴⁸ empenaron, *et* de otor. Et si non pudiere firmar, iure el *christiano que* no lo uendio ni lo dio, ni lo mando enpenar, *et que* suyo es, *et* tome el auer *que* demanda. Todo iudio de otor por auer *quel* conoscieren.

296. De firmar a conceio.

Tod omne *que* ouier a firmar con conceio firme con V de conceio, uizinos o hijos de uizinos *que* ayan XV annos, assi como fuero es.

297. Qui metier a otro en fiaduria.

/^{61r}Tod omne *que* a otro metier en fiadura, *et* alguna cosa pechar, doplegelo *aquel que* lo mando fiar.

298. Qui a otro fiar su faz.

Tod omne *que* fiare a otro su faz ant alcaldes, *et* ante alcaldes *et* antel *quereloso* lo desenparar, non responda.

299. De los lidiadores.

Los lidiadores *que* ouieren a lidiar *per* iudizio de alcaldes, equentlos los alcaldes, *et* del dia *que* los eguaren a *tercio* dia uayan a *Sancta Maria* a missa *matinalem*, *et* armentlos II alcaldes, quales ellos quisieren, *et* en su mano lidien. Et *postquam fuerint* armati⁵⁴⁹, iuret *qui* amparat *qui* derecho amparat⁵⁵⁰, *et* iuret el otro *que* mentira iuro. Et *qui* amparat de fiador *que*, se cayere, *pectet* la *peticion* doblada *et* las armas si se dannaren. Et tal fiador de *que* ualia aya de la *peticion* duplada. Et depues *que* iuraren, non se manifiesten. Et *qui* ena elguesia entrare *peche* I *morabedi* a los alcaldes. Et *aquelos que* los armaren *et* hy fueren, saquenlos fueras⁵⁵¹. Et si noluerint exire, prendan de unusquisque *singulos morabedis*, *et* saquenlos fueras. /^{61v} Et si hoc non fecerint, sint alcaldes *periurati*. Tod omne *qui* los cotos passare *que* pusieren los alcaldes, lieuenlo por la iura *que* fizeron a conceio, *et* *pectet* unusquisque VI⁵⁵² *morabedis* *alcaldibus*, *sin* non fuere *matrero*⁵⁵³ <a *qui* lo dixier>. Todo lidiador non esca de los cotos, *nin* prenda otras armas *sinon* las suas o de su *companero* con *que* lidiare, o prenda piedra o tierra, *et* non prenda uestido de nengun omne, *nin* pan, *nin* corte lanza *que* touiere en so poder de so *companero*, *nin* taie riendas, *nin* cabezada, ni mate cauallo de so *companero*. Et si esto fiziere, iure *que* no lo fizo de su grado, *et* tome el otro este *complimiento que* dicho es de suso *et* defendido como mandaren los alcaldes. Et cada I cauallo sea apreciado en XXX *morabedis*. E tales fiadores den *que* uean los alcaldes *que* ualia auen de los caballos *et* de las armas. Lidiador *que* cauallo matare a so *companero* *pechelo*, *et* las armas, si se dannaren. El *qui* cayere, esse las *peche*. Et por armas *et* por cauallo non metan omnes en manos al *quereloso*, *sed* los fiadores *pechen* toda⁵⁵⁴ la apreciadura. Et si el reptado deueniere a pie, *sper* al otro en campo *que* uean los al-/^{62r}caldes *que* puede aguiiar⁵⁵⁵ a el de todas partes, *et* si ampararse pudiere fasta *tercer* dia de sol a sol. Et si el demandador deueniere a pie, *sper*elo en campo, *et* el reptado *conquiralo* III uezes en el dia a *manteniente*. Et *percuciat illum cum* armis *que* tenuerit III uices in die a *manteniente*, in elmo, aut in loriga, o en escudo, o ennas armas *que* tenuerit, aut in corpo, fueras *enna* lanza. Et si el reptado escapare *cauallero*, *conquira* al peon III uezes en el dia, *sicut dictum est*. Et istud faciendo,

si usque ad *tercium diem* perseuerare potuerit, uincat suo iudicio. Et nullus non prendat ad alium a *pixam* neque ad cogiones. Nengun lidiador non passe los moiones. Lidiador que esti coto non compliere, quomo iaze escripto en este fuero, por i cadat. Los lidiadores, postquam fuerint armati en ecclesia, se confecharen, den X morabedis a aquellos que los armaren. Et si ad campo exieren, quantos dias alla fueren tantos morabedis de el que cayere. Et si se confecharen, ambos \pechen/ estos morabedis. Lidiador que corriere ante que uenga a ssu casa peche V morabedis. Et qui cantare con el, o /^{62v} qui uiniere con comer, peche V morabedis al castiello. Los lidiadores en uno yagan et en uno coman, en manos daquelos alcaldes⁵⁵⁶ que los armaron, et si non confecharen, non se desarmen. Et postea que sol occasum fuerit, adducant illos ad uillam, et alio die saquent illos al campo ante de medio dia. Et si los alcaldes esto non fizieren, sean periurati. Aportellados de conceio non ayan el canpo uedado o lidiaren. Qui uozes o siblos dederit al lidiador que cayere, pectet a el V morabedis si ei firmaren. Et qui dixiere a lidiador palaura que en esforciamiento le sea, peche V morabedis⁵⁵⁷ al quereloso.

300. Qui eguaia ouier a dar.

Todo omne qui eguaia ouiere a dar fasta III VIII dias la de. Et si en esos III VIII dias non diere eguaia, el otro iure solo et ranque so iudizio. Et en las eguaias el que sacaren por peor, si la pidiere al otro, yeguenlo con el. Et a uizino den eguaia de uizinos, et a morador de⁵⁵⁸ moradores. Et qui ouiere a firmar, uel iurare o a testiguar, a uecino testigue con uizinos, et a morador con moradores.

301. De firmas.

Toda firma que firmare, esso firme /^{63r} onde fue fecho testigo de illo, et atal cosa que fue mercada o dada antel. Et qui a morador ouiere a dar eguaia, o a iurare uel firmare, si uezinos leuare non caya per ende. Et en estas eguaias non entre soldadero de senor de tierra, nin omne que proua aya fecha que uenciesse, nin bracero, ni esquierdo. E qui tal eguaia non diere, per hy cayat.

302. Los que las ochauas sacaren.

Todos los que sacaren las ochauas de conceio metan en el mercado III ochauas, et II arrouas, et II medias. Et non anden hy estrageras. Et si hy andaren, fostiguenlas los alcaldes, et si non sean periurati. Et quantas ochauas, o arrouas, o medias fallieren destas que super dictas son, tantos morabedis pechen a los alcaldes.

303. Auer qui fur a dar per bestia dalquile.

Tod auer que fuere a dar per bestia dalquile non aya ferias neque solturas.

304. Qui mentira iurar.

Tod omne que mentira iurar o ffirmar, et los alcaldes et los VI uerdade fallaren sobrel que mentira firmo o iuro, tresquilenle la meatad de la cabeza, et exca por aleuoso de conceio, et mays non aya portiello, ni firme. Et si los alcaldes lo soltaren, sint periurati.

/^{63v} 305. Andador.

Al andador, quando fuere en mandado de conceio, en aldea ubi fuerit dent ei III dineros⁵⁵⁹ in conducto, et medio quarto de uino, et pan quanto ei oppus fuerit, fasta II panes.

306. Aportelados.

Tod aportellado de conceio *que* en pro de conceio fuere, sobre aquel *que* fiziere la mala fecha sobrel coma. Et si al conceio demandare *que* coma, si aquel omne⁵⁶⁰ fallare, *pectet* VI morabedis concilio. Et si a el non fallare, o en otro mandado fuere, sirualo el conceio de la aldea o posare. Et a un alcalde denle I gallina, et⁵⁶¹ II, II galinas, o entre II, I cabrito, et si fueren mays a ssu conta, et si menos⁵⁶² otrosi. Et pan et uino sennos medios quartos, et II dos panes. Et si ge lo non dieren, prende el alcalde en casa del iurado del aldea, y eche los penos per la iantar doblada. Et si penos le reuellaren al alcalde, *pechenle* I morabedi et la iantar doblada⁵⁶³. Et por esto diga uerdad el alcalde, per la iura *que* fizo a conceio, *que* sin escatima lo demanda, et *pechen*. Et a sos caualllos, a II, I ochaua de ceuada, et a bestia mular, I^a tercia. Istos sunt aportellados de conceio, ad quos debent seruire: alcaldes, et uozeros, et /^{64r}mayordomo et escriuano.

307. Qui pro inimicitate uenerit ad nos.

Tod omne *que* por inimicitate uenerit de alia uilla ad ista, et omne de la uilla dixerit: “meo inimico es”, firmelo aquel *que* demanda con III uizinos *que* ante uino a Cáceres *que* el⁵⁶⁴, et non prisieron sos parientes omezilo nin derecho, et stet illi ad directo. Et si nuluerit⁵⁶⁵ ei dare directo, uazie la uilla et el termino usque ad tercium diem. Sin autem, occidat eum sine calunnia. Et si ille *que* demanda noluerit recipere suum directum, apretenlo los alcaldes, et mittat cada tercio die bestias, et non comedat⁵⁶⁶ nec bibat usque salutec⁵⁶⁷ eum et recipiat suum directum. Et quantas bestias non miserit, tantos⁵⁶⁸ morabedis *pectet* quereloso. Et los alcaldes, si lo soltaren, cadat illis in periurium. Por tota demandanza, si omne non pudier auer derecho in una alcaldia, in otra pare fiel de cabo, o prende o desafie. Et si ita non fecerit, no ly responda.

308. Las aldeas.

Todas las aldeas de Cáceres a la tierra onde ouieren ermandades, et por hy troxieren ganado o rrobadura, sagudenlo, et si non⁵⁶⁹ ellos lo *pechen*. Et las aldeas rayguense. Et sis non raygaren, si tregua quebrantaren, /^{64v}elos lo *pechen*. Et enna uilla, los iurados los rayguen, et si los non raygaren, sit illis in periurio.

309. Qui fiel parar ad aldeano.

Qui fiel parare ad aldeano meta la uerdad *que* querela a del, et diga su querela. Et si la uerdat non diere, no ly uenga a ffiel. Et sil prendare, tornely los penos doblados quereloso. Et si la uerdad diere⁵⁷⁰, et a fiel non uiniere, *pectet* I morabedi suo contentori, si lo firmare con el fiel.

310. De labor de aldeano.

Toda lauor de aldeano atal fuero aya de pecho como uizino de la uilla.

311. Qui furtare uuas.

Tod omne *que* uuas furtare de noche o qual cosa se quiere, si uerdad fallaren alcaldes, et iurados et uozeros, enforquenlo. Et si negare, iure con III uizinos. Et si non compliere, *pectet* el danno doblado et III^{or} morabedis domino uinee.

312. De sospecha de su mulier.

Qui sospecha ouiere a ssu *mulier* que aleue le faze saluese cum XII⁵⁷¹ bonas *mulieres* que ayan maridos. Et si con ella mala estanza ouiere et salua fe le diere ante IIII alcaldes, et depues la *quebrantare*, si le firmaren, *pectet sicut*⁵⁷² *dictum est* ut supra. /^{65r} Si non, lidie o saluese.

313. Uozeros et alcaldes de uedar furto.

Uozeros, et alcaldes et iurati anden *per* las calles et raiguen los omnes, et uideant *unusquisque* que uita uiuet. Et sit isto non fizieren, sit *illis in periurio*. Et de cada I aldea ueniant IIII *homines* bonos et iuren que se rayguen. Et si se non raygaren, los de la aldea lo *pechen* el dano que hy fuere fecho por ladrones et *per* malos omnes.

314. Qui uelare puercos.

Todo pastor que puercos uelare uelelos danno a *anno*, *sicut dictum est* de sursum. Et de las puercas aya el *quarto* de la *criazon* et *sennas medias ochauas* de centeno, et por los puercos uazios annales o dent arriba aya *senas ochauas* de centeno et⁵⁷³ *sinas quintas*⁵⁷⁴ *morabedi*. Et el puerco que non fuere anal, denly *media ochaua* de centeno. Et a rrazon como los uelare del *anno*, assi lo paguen a ssu conta. Et *per* quantos perdiere el pastor, *peche*, assi como dicho es *in alio* capitulo.

315. Qui uinier demandar a nostro uizino.

Tod *omme* dotra uilla que ueniere demandar a *nostro* uizino heredad, *per* *nostro* fuero le responda. Acotar a ermandad et iudgar a uezindad. Et negun uizino non tenga uoz de *omme* de fuera contra su uezino, si non *peche* II *morabedis*, I al *quereloso* et alcaldes de *germanitate* otro.

/^{65v} **316. Qui bestia.**

Tod *omme* qui bestia ouier a meter, metala ante⁵⁷⁵ la *missa* matinal en casa del *quereloso*, et uaya et parele fiel sobrella al fuero a la *collation* o ouiere alcalde. Et si al plazo le non *quisier* uinir su bestia quita.

317. Qui prendare.

Tod *omme* qui⁵⁷⁶ penos prendare, si uenciere el cabdal uenza los pennos. Et si non uenzier el cabdal non uenza los penos.

318. Qui uoz agena baraiar.

Tod *omme* qui uoz agena baraiar, si uenciere el auer que demanda e la uoz, uenza los pennos de las *calonnas* que prender. Et si non uenciere la uoz que demanda, ni el cabdal, non uenza los penos de las *calonnas*.

319. Pastor de⁵⁷⁷.

Pastor que ganado cogiere en cabana de so *senor* sin so *mandamiento*, \sis *perdiere*/, elle lo *peche*.

320. Alcaldes⁵⁷⁸.

Alcaldes que leuaren conducho a las aldeas en quaresma lieuen pora II alcaldes I *quart*⁵⁷⁹ *morabedi*, et si plus fuerint a ssu conta, et si minus *similiter*. Et esto pague el *conceio* de la aldea o *cenaren*. Et si plus leuarent, non dent *illis* nada.

321. Quando exieren en apellido.

^{f6r} Quando exieren en apellido, lieuen sus talegas *et non* coman de nengun aldea. Et si comieren, cayales en periurio *et pechen* X morabedis al castiello. Et isto aprieten los VI.

322. Qui uendiere pan.

Tod omne que pan uendiere enas aldeas *peche* IIII morabedis a los alcaldes si uerdad fallaren de bonos omnes, o iure con IIII uicinos. Otrosi, todo pan que uiniere de aldeas o de otra parte, *et no* lo uendieren en mercado, *peche* \II/ morabedis alcaldes, *et in cuius* domo lo uendieren *peche* IIII morabedis alcaldes.

323. Qui quisier comprar pan compre fata I morabedi.

Todo omne que pan quisiere comprar compre⁵⁸⁰ I morabera⁵⁸¹ al dia, *et non* mays, *et si* mays comprare *peche* II morabedis alcaldes. Et esto en mercado lo compare.

324. De pan de alfoli uender.

Qui alfoli ouier enna uilla uenda o se quisiere, mas qui comprare *non* tome mays de I^a morabera⁵⁸² al dia.

325. Qui arrompier casa de conceio.

Tod omne que rompiere casa o touieren cepo de conceio *peche* L^a morabedis, los medios a los alcaldes *et* a los VI, *et* los medios al conceio. Et si omne sacare de cepo *peche* C morabedis, medios al conceio *et* medios alcaldes *et* los VI, ^{f6v} *et* metan so cuerpo en el cepo en qual uoz iazia el otro. Et los alcaldes *non* tengan omne en cepo mays de VIII dias *sinnon* por lo que dicho es de suso. Et aquel que fuere de iusticiar, iusticienlo, *et* al otro assueluanlo⁵⁸³. Et si ita *non fecerint*, *sint* periurius.

326. De mampostero.

Tod omne que fuere mampostero *non* sea mays de I anno, *et non* tome otro portiello. Et si otro portiello touier, exca *per* aleuoso *et* derribenle las casas, si el conceio ge lo *non* mandare. Et el obispo de mampostero por si, *et per* sos omnes *et per* todas suas cosas que ouier en Cáceres.

327. De partiia.

Todos omnes que heredad o otro auer de parientes partieren, partan delant fieles, o delant parientes o delante uizinos. Et si ita *non fecerint*, *non* preste su particion.

328. Qui matare uenado.

Tod omne qui matare uenado ageno de sauuoso tome del I quarto de la carne. Et si lo sacar del madero⁵⁸⁴, delo duplado con IIII^{or} morabedis al quereloso, si ei potuerit firmare. *Sin autem*, saluese qual fuere la peticion, *et iure* el dueno del uenado, con I uizino, que el iua en pos el, o suyo era el madero⁵⁸⁵. Et si *non* quisiere ^{f67r} iurar, *non* tome uenado nin calonna.

329. Ortolano a ffuero.

Todo ortolano a ffuero atal sea de Naudidad a Naudidad. Tod omne que metier ortolano en so orto dele asno, *et* seron *et* azada pora estercolar. Et el ortolano, de quantas semillas metiere, tome la meatad. Et de aquellas que so señor metiere, tome ende el quarto. Todo ortolano que horto touier, si mal lo laurar, el señor

prenda en el leno *et* el ortolano⁵⁸⁶ en el uazio. *Et* si *per* el señor fincar, fagale testigos el ortolano, *et* el ortolano tome en leno *et* el señor en el uazio.

330. Collazo aportellado.

Todo collazo, *uel* aportellado, *que auer* o bestia furtare o lleuare agena, su señor la *peche*, *et* el fiador al señor. Et si *non* ouiere fiador, el señor la *peche* al *quereloso*. Et si el collazo o el aportellado algo leuare a sso *sennor per*⁵⁸⁷ I *morabedi*, iure el señor *per* su cabeza *et* degelo su fiador. *Et per* II *morabedis*, iure el señor con II uizinos, *et per* III e dent arriba con III^{or} *et* el quinto iure el señor. *Et per quanto* iurare, tanto ly *peche* el collazo o el fiador.

331. Alcaldes *et* escriuano.

^{167v} Los alcaldes de *conceio*, *nin* uozeros, ni escriuano *non sean* metidos en lecha de *conceio*.

332. De alcaldes del rey.

Alcaldes del rey entren cadanno con alcaldes de *conceio*.

333 (Como iudguen alcaldes sus calonnas)⁵⁸⁸.

Todas sus calonnas iudguen los alcaldes en die lunes. Et si in día de lunes primero no les iudgaren, solten las bestias fasta el otro lunes. Et la uerdad *que* ouieren a dar, denla al otro lunes. Et si la *non* dieren, partanse daquelos⁵⁸⁹ a qui demandaren. *Et* si *aliter fecerint*, sint *periurati*. Et *non* fagan corral fuera ende uienes *per* los iuzios de la uilla iudgar, *et* el sabado por los desafiados, *et* al lunes sus calonnas. E los alcaldes ni los andadores *non* pidan enna uilla ni enas aldeas, si *non sean* *periurati*.

334. Qui se metier en orden.

Tod *omme que* se metier en orden de la meatad de so *auer* a sos parientes, como si fuesse muerto. Et otrosi, *non* meta *consigo* herencia nenguna.

335. Qui non ouiere equus.

Alcalde *que non* ouiere cauallo a ffuero *non* iudgue *nin* preste so iudizio, *sicut scriptum* est de *sursum*.

336. De uestir loriga.

^{168r} Tod cauallero *que* loriga uistiere en ora de cueta en *azeria* tome por ella racion, *sicut supra scriptum* est.

337. Qui firmare.

Tod *omme que* a ffirmar ouiere, *et* sus firmas alongare, iure quanto puede saber por⁵⁹⁰ uerdad *que* hy son o dizet, *et* enna iura lo meta *que* testigos fueron daquela *peticion*.

338. De acotar.

Uozero ni alcalde *non* acote *sinnon* por calonnas de *conceio*. *Sin autem*, sit *periurii*.

339 Qui ouier egua.

Tod *omme que* egua ouiere, no la eche a oio de caualo *que* en prado moionado a ffuero *pasciere*, excepto en almofalla o en *aceria*. Et si la echare, *pectet* I *morabedi domino* hequi.

340. Auer de caualga(da).

Tod auer de caualgada *et* de compana non aya ferias ni deuedamiento.

341. Qui penos echar per pan o per uino.

Todos los *que* penos echaren por uino o por pan, *et* no los sacaren fasta VIII dias, fagan testigos con III uezinos *que* los saquen. *Et* si non quisieren sacarlos, uendalos *qui* los touier⁵⁹¹ con I fiel, *et* si⁵⁹² sobrare demas denlo a sso duenno⁵⁹³, *et* si minguare prende per su auer fasta *que* sentregue. *Et* non responda mas /^{68v} por ellos. *Et* prende penos de morabedi al fuero. *Et* quantos dias passare *que* non pague, tantos morabedis pectet querenti cada tercer dia. *Et* si fiel le pararen, sobre la primera bestia responda.

342. Alcaldes per pro de conceio⁵⁹⁴.

Si alcaldes se aiuntaren per pro de conceio non les caya en periurio, mas iudguen en estos III corrales *que* son⁵⁹⁵ sobre scriptos.

343. (Alcalde non remude plazos)⁵⁹⁶.

Negun alcalde non remude los plazos de una collation a otra, si \non for/ por omne bono *que* finire ena uilla, *et* alli sean todos los plazos a su porta. *Et* si aliter fecerint, cayales en periurio.

344. Qui ouier su mulier enferma.

Tod omne *qui* su mulier ouier enferma, o su caballo, non uaya en fonsado ni en apellido si firmar pudiere con III uizinos, *tam in* uilla *quam in* aldeas. *Et* non peche fonssadera ni apellido.

345 (Qui desafiare a otro)⁵⁹⁷.

Tod omne *qui* a otro desafiar, con parientes de mays acerca desafie.

346. Qui enprestare bestia.

Todo omne *qui* su bestia enprestare a otro, o la leuare ad alquile, *et* mas luene la leuare daquelo *que* pusiere con so dueno, dela duplada con III^{or} morabedis al duenno de la bestie. Tod omne *qui* bestia leuare ad alquile, *et* le mu- /^{69r} riere, firmelo con III uizinos, tales como el dueno de la bestia, *quel* murio de so mal, *et* non peche nada. *Et* las firmas respondan a repto. *Et* si firmas non ouiere, saluese con III^{or} si(bi) V^o. *Et* entre lide⁵⁹⁸ *et* iura⁵⁹⁹, qual quisiere el que reloso. *Et* esto per bestia de X morabedis o dend arriba. *Et* dent aiuso⁶⁰⁰, assi como fuero es.

347. Qui bestia leuar a medias.

Tod omne *qui* bestia leuare a medias *et* dixerit: “furtaron ea mihi” o “perdidi ea”, firme con III uizinos al uizino, al morador con moradores. *Et* si fuere la bestia de X morabedis, recuda a repto. *Sin autem*, saluese con III^{or} *et* el V^o, *que* la gardaua assi como si misma sua fuesse, *et* de la meatad de quanto ualiere la bestia en auer a domino bestie.

348. Los menesteriales.

Todo menestral *que* demandare meryenda per labor *que* faga pectet I morabedi a los alcaldes, si firmare ei potuerint⁶⁰¹, aut saluese cum I uicino.

349. Omne que forciado fuere.

Tod omne que forciado fuere per qual cosa quier, denly la peticion duplada, con III^{or} morabedis.

350. Qui ualia ouiere de X morabedis.

Tod omne que ualia ouiere de X morabedis, tam de uilla quam de /^{69v} aldeas, de media ochaua⁶⁰² trigo a los andadores, et uidua similiter, et el mediero quart⁶⁰³.

351. Ladron que furtare.

Ladron que furtare enforquenlo, et preste so auer a sos parientes.

352. De fijo.

Tod omne qui fijo o sobrino ouier, et a otro omne matare, non pectent por el so auer sos parientes, ni so pater, nec mulier sue meatad si so marido occiderit ad alium.

353. Fijo enparentado non responda.

Filio enparentado qui con suo pater morar, o sobrino, o iugero, o ortolano, o molinero, o pastor, o colmenero non responda a nadi, ni nadi a el. Et \si/ fijo o sobrino de omne de uilla demostrare fiel ad aldeano, et si non uinier darle derecho, o omne in su uoz, pectet I morabedi suo contentori.

354. Los VI ayan corral.

Los VI ayan corral cada uienes, et el que hy non uiniere peche I morabedi a sos companeros si non se les espediere.

355. Alcaldes⁶⁰⁴.

Los alcaldes non sten en corral con los VI sinon quando enuiaren per ellos. Et si los VI uieren cosa unde se debent partire los alcaldes, dicant illis que se partant inde. Et si noluerint se inde partire, sedeant periurius et /^{70r} pectent C morabedis al castello.

356. Alcaldes, ni escriuano, ni VI non quinten.

Los alcaldes del rey, ni los de conceio, nin VI, ni escriua(no) non dent quinta. Atalaeros ni adalil non den quinta⁶⁰⁵. Et el anno que fore iudez, non iudgue quinta.

357. Almonedero que prendare.

Todo almonedero que prendare enna calle, et II^{os}⁶⁰⁶ de calle quisieren iurar por los pennos, denlos aquellos porque iuraren, et si non, denlos duplados. Et in aldea similiter faciant.

358. Qui acceperit oues.

Toto homine qui acceperit oues per suo danno ubi andarent carneros castrados, delas dupladas per illo labore, quomodo dicit ut supra. Et boue, aut uacca, aut bestia mayor qui in labore aliena⁶⁰⁷ intrauerit pectet X^a de morabedi, et si intrare in prado, pectet X^a de morabedi⁶⁰⁸. Et si ad sapiendas fecerit danno, pectet toda sua calumpnia, quomodo dicit ut supra.